

Naalakkersuisut siulittaasuat

Landsstyreformanden

Hr. Inatsisartunut ilaasortaq Esmar Bergstrøm
Inatsisartut allattoqarfiat
Maani

Inatsisartuni aalajangikkat pillugit Naalakkersuisunut apeqquteqaat.

22.01.2008
J.nr. 02.14

Matumuuna ataani pineqartoq Naalakkersuisunut apeqquteqaat, Inatsisartut suleriaasianni § 36 imm. 1 naapertorlugu saqqummiunneqartoq akissuteqarfigissavara. Apeqquteqaat tiguneqarpoq 11. januar 2008.

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Apeqquteqaat:

Inatsisissatut siunnersuutit, aalajangiiffigisassatut suinnersuutit, peqqussutit imaluunniit Inatsisartut Naalakkersuisunut suliaasiissutaat suut, aamma Inatsisartut suliaralugit akuersissutaat suut Naalakkersuisut suli tamakkiisumik suliaralugit piviusunngortinngilaat imaluunniit suliarineri suli naammasinngilaat?

Akissut:

Naalakkersuisut apeqquteqaat imatut paasivaat; pineqartoq tassaasoq aalajangiiffigisassatut siunnersuutit tunngavigalugit suliaassat Inatsisartuni marloriarlugit suliarineqarsimasut.

Apeqqut saqqummiunneqartoq piffissamik killiligaanngilaq, taamaattumillu tunngaviatigut Inatsisartunit Namminersornerunerup eqqunneqarneraniit suliarineqarsimasut pineqarsimasinnaapput.

Aalajangiiffigisassatut siunnersuutit, Inatsisartut ataatsimiinnerini sulerianeqartartut, Inatsisartut ullormut oqaluserisassanut allattugaataanni takuneqarsinnaapput. Ukiuni kingullerni Inatsisartut allattoqarfiata ataatsimiinnerit naammassereernerini pineqartut allassimaffiannik saqqummersitsisarpoq. Tassanilu takuneqarsinnaavoq, siunnersuutit pineqartut akuersissutigineqarsimanersut, imaluunniit taamaannginnerisoq. Takussutissallit ataatsimoortukkaat aalajangiiffigisassatut siunnersuutinut il.il. tunngassuteqartut, Kalaallit Nunaanni Inatsisartut qupperneranni www.nanoq.gl atuarneqarsinnaapput.

Taamaattumillu periarfissaqareerpoq Inatsisartunut ilaasortat allallu namminneerlutik misissuisinnaanerannut, siunnersuut aalajangersimasoq aalaajangiiffigisassatut siunnersuutitut saqqummiunneqarnikuunersoq, taamaassimappallu pineqartoq Inatsisartunit akuersissutigineqarsimanersoq.

Naalakkersuisunut tigussaasunik apeqquteqaateqarnikkut, siunnersuutit aalajangersimasut malersorneqarsinnaapput, Naalakkersuisullu suliamut pineqartumut qanoq iliuuseqarsimanerat il.il. paasisaqarfigineqarsinnaallutik. Naalakkersuisut Namminersornerulernerup eqqunneqarneraniit Inatsisartuni aalajangiiffigineqarsimasut ataatsimoortumik allattugaatiginngilaat. Taamaattumillu Naalakkersuisut apeqqut akissuteqarfigisinnaanngilaat, apeqqummi suliat Inatsisartoqarnerup eqqunneqarneraniit maannamut suliarineqarsimasut pineqarpata.

Kisiannili aalajangiiffigisassatut siunnersuutaasimasut 2005-imi inatsisartunut qinersinerup kingornaniittut tamaasa pillugit nalilersuineramik suliaqartoqarpoq, aalajangiiffigisassatut siunnersuutit Naalakkersuisut qanoq iliuuseqarnissaannik imaqartut eqqarsaatigalugit. Alajangiiffigisassatullu siunnersuutigineqarsimasut tunngavigalugit Naalakkersuisut iliuusissanik suli naammassingisaqarsimappata, tamanna nalunaarsorneqassaaq, killiffiusumut tunngavilersuutaasut ilanngullugit

Nalilersuineq naammassineqareerpat ilassutitut paasissutissanik siuliani pineqartunut tunngassuteqartunik imaqartumik nassiussisoqarumaarpoq.

Naatsorsuutigineqarpoq ilassutitut nassuiaataasumik februar 2008 qiteqqutsinnagu nassiussisoqarsinnaassasoq.

Inussiarnersumik inuulluaqqusillunga

Hans Enoksen